

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva finansija, na 159. sjednici, održanoj 10.04.2014. godine, d o n o s i

## ZAKLJUČAK

### I

Utvrđuje se Prijedlog Zakona o izmjeni i dopuni Zakona o kantonalnim administrativnim taksama.

### II

Prijedlog Zakona o izmjeni i dopuni Zakona o kantonalnim administrativnim taksama upućuje se u dalju skupštinsku proceduru po skraćenom postupku.

### III

Zaključak stupa na snagu danom donošenja.

Broj: 02-\_\_\_\_\_/14.

Datum, 10.04.2014. godine

Zenica

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo finansija,

1x Ministarstvo za prostorno uređenje,  
promet i komunikacije i zaštitu okoline,

1x Stručna služba Skupštine,

1x a/a.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na \_\_\_\_sjednici, održanoj dana \_\_\_\_\_, donosi

**Z A K O N**

**o izmjeni i dopuni Zakona o kantonalnim administrativnim taksama**

**Član 1.**

U Zakonu o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10, 9/10 i 12/13, u daljnjem tekstu: Zakon o kantonalnim administrativnim taksama), u članu 17., u stavu 1., iza tačke 25., dodaju se nove tačke 26. i 27., koje glase:

“26.U postupku usklađivanja, odobravanja i registracije redova vožnje na kantonalnim autobusnim linijama za javni linijski prijevoz putnika;

27.U postupku privremenog obustavljanja održavanja redova vožnje na kantonalnim autobusnim linijama za javni linijski prijevoz putnika.”

**Član 2.**

U Zakonu o kantonalnim administrativnim taksama, u dijelu „Tarifa Kantonalnih administrativnih taksi“, u odjeljku V. OSTALE TAKSE, Tarifni broj 55., se briše.

**Član 3.**

Ovlašćuje se Zakonodavno-pravna komisija Skupštine Zeničko-dobojskog kantona da utvrdi novi prečišćeni tekst Zakona o kantonalnim administrativnim taksama.

**Član 4.**

Zakon stupa na snagu osmog dana od dana objavljivanja u “Službenim novinama Zeničko-dobojskog kantona”.

Broj:  
Datum,  
Z e n i c a

**PREDSJEDAVAJUĆI**

**Sretko Radišić**

# O B R A Z L O Ž E N J E

## I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka g) Ustava Zeničko-dobojskog kantona.

## II RAZLOZI ZA DONOŠENJE I OBRAZLOŽENJE PRAVNIH RJEŠENJA

Ministarstvo za prostorno uređenje, promet i komunikacije i zaštitu okoline je Vladi Kantona dostavilo Informaciju, broj: 12-02-4530/14 od 06.03.2014. godine, o potrebi usklađivanja Zakona o kantonalnim administrativnim taksama - Prečišćeni tekst („Službene novine Zeničko-dobojskog kantona”, broj 13/02, 12/03, 4/04, 5/04, 4/08, 7/09, 2/10, 6/10, 9/10 i 12/13), sa federalnim propisima.

U Informaciji je navedeno da je visina naknade za troškove provođenja postupaka usklađivanja i registracije redova vožnje na kantonalnim autobusnim linijama za javni linijski prijevoz putnika i postupaka privremenog obustavljanja održavanja redova vožnje na kantonalnim autobusnim linijama za javni linijski prijevoz putnika, propisana odredbama Zakona o kantonalnim administrativnim taksama - Prečišćeni tekst („Službene novine Zeničko-dobojskog kantona”, broj 13/02, 12/03, 4/04, 5/04, 4/08, 7/09, 2/10, 6/10, 9/10 i 12/13), u ranijem Tarifnom broju 59a, a u sadašnjem Tarifnom broju 55. (po novoj numeraciji tarifnih brojeva).

Međutim, donošenjem novih federalnih propisa, u skladu sa članom 13. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH“, broj 79/13), članom 8. Pravilnika o načinu, uvjetima, postupku i kriterijima utvrđivanja i trajanja privremenog obustavljanja održavanja polaska ili reda vožnje usljed više sile ili vanrednog slučaja u cestovnom prometu („Službene novine FBiH“, broj 19/10) i podtačkama 16.2. i 19.1.6. Pravilnika o načinu uplate javnih prihoda budžeta i vanbudžetskih fondova na teritoriji F BiH („Službene novine FBiH”, broj 35/13, 53/13, 63/13, 93/13 i 103/13), došlo je do promjene vrste prihoda, tako da se naknada koju sada plaćaju prijevoznici u postupku usklađivanja, odobravanja i registracije redova vožnje i naknada za privremeno obustavljanje održavanja polaska ili reda vožnje, **više ne tretira kao kantonalna administrativna taksa, već kao naknada.**

Na prijedlog Ministarstva za prostorno uređenje, promet i komunikacije i zaštitu okoline, Vlada Kantona je donijela Zaključak, broj 02-02-6487/14 od 27.03.2014. godine, kojim je prihvaćena navedena Informacija i zadužena Ministarstvo finansija i Ministarstvo za prostorno uređenje, promet i komunikacije i zaštitu okoline, da realizuju ovaj zaključak, svako u okviru svoje nadležnosti.

Imajući u vidu navedeno, Ministarstvo finansija je pripremlilo prijedlog Zakona o izmjeni i dopuni Zakona o kantonalnim administrativnim taksama, kojim je predviđeno brisanje Tarifnog broja 55. (po ranijoj numeraciji Tarifnog broju 59a).

Međutim, Tarifnim brojem 10. je propisano da se za sva rješenja za koja nije propisana posebna taksa, taksa plaća u iznosu od 10 KM. Kako i pored brisanja Tarifnog broja 55., postupci koji su istim uređeni ne bi potpadali pod obavezu plaćanja takse propisane Tarifnim brojem 10., predviđeno je da se dopunom člana 17. Zakona, postupci usklađivanja, odobravanja i registracije redova vožnje na kantonalnim autobusnim linijama za javni linijski prijevoz putnika i postupci privremenog obustavljanja održavanja redova vožnje na kantonalnim autobusnim linijama za javni linijski prijevoz putnika, **uvrste u spise i radnje koje su oslobođene od takse.**

S obzirom da nije u pitanju složen i obiman zakon umjesto nacрта zakona predlaže se podnošenje prijedloga zakona i pretresanje po skraćenom postupku a u skladu sa članom 140. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13),

## IV FINANSIJSKI EFEKTI

Donošenje ovog Zakona neće iziskivati izdvajanje dodatnih finansijskih sredstava iz Budžeta Kantona.

MINISTRICA

*Sabina Heljić*